

## ZAPISNIK

sa petnaeste redovne sjednice Upravnog odbora Univerziteta u Tuzli održane u ponedjeljak **31.10.2022. godine** sa početkom u **14,30 sati i nastavkom u srijedu 02.11.2022.godine, sa početkom u 15,00 sati**, u Sali za sjednice Rektorata Univerziteta u Tuzli

Na petnaestoj redovnoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, dr. sci. Kenan Mandžić, red. prof, dr. sci. Anita Petrović, vanr. prof., i dr. sci. Franc Andrejaš vanr. prof.

Sjednici nije prisustvovala član, Adela Šaldić, koja je izostanak opravdala.

Osim članova Upravnog odbora sjednici su prisustvovali: Rektorica Univerziteta, dr. sc. Nermina Hadžigrahić, red prof. i Generalni sekretar Jasmina Berbić, dipl. pravnik, te u svojstvu izvjestilaca po pojedinim tačkama dnevnog reda: Šef službe za pravne, kadrovske i opšte poslove Šejla Fazlić, dipl. pravnik, Viši stručni saradnik za radne odnose, Haris Delić, dipl. pravnik, Direktor za ekonomske poslove Husein Matović, dipl. ecc., Glavni finansijski knjigovođa Alma Sarajlić, dipl. ecc. Šef finansija, Fikreta Jahić, dipl. ecc., Šef računovodstva, Dževdeta Zahirović, dipl. ecc., Voditelj Centra za osiguranje kvaliteta i internu evaluaciju, dr. sc. Damir Zenunović, vanr. prof, Prorektor za nastavu i studentska pitanja dr. sc. Jasmin Suljagić, vanr. prof, dr. sc. Tatjana Konjić, redovni profesor, Predsjednik studentskog Parlamenta Univerziteta Almir Brigić, student, i Emina Duranović, student, član Studentskog Parlamenta Univerziteta.

Sjednici je prisustvovao i Viši stručni saradnik Ahmo Muhić, dipl. pravnik.

Predsjednik Upravnog odbora je konstatovao da postoje uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio petnaestu redovnu sjednicu Upravnog odbora.

Dao je na usvajanje predloženi dnevni red. Kako nije bilo prijedloga za izmjene i dopune dnevnog reda,

Za ovu sjednicu jednoglasno je usvojen sljedeći

### DNEVNI RED:

1. Usvajanje zapisnika sa 14. redovne sjednice Upravnog odbora
2. Utvrđivanje prijedloga Pravilnika o izmjeni i dopuni Pravilnika o unutrašnjoj organizaciji i sistematizaciji radnih mjesta (Drugi prečišćeni tekst)
3. Razmatranje Pravilnika o popisu sredstava i izvora sredstava
4. Razmatranje Prijedloga Odluke o izmjeni Liste kategorija registraturne građe sa rokovima čuvanja Univerziteta u Tuzli
5. Razmatranje Prijedloga Pravilnika o kancelarijskom poslovanju
6. Razmatranje Zahtjeva Studentskog parlamenta Univerziteta u Tuzli za izmjene i dopune Pravilnika o radu Fonda za nagrađivanje studenata na Univerzitetu u Tuzli
7. Razmatranje Odgovora Rektorice po Zaključku Upravnog odbora broj:04-5268-1-2.1/22 od 30.09.2022. godine
8. Razmatranje prijedloga Odluke o usaglašavanju popisa osnovnih sredstava Univerziteta u Tuzli za 2021. godinu
9. Razmatranje prijedloga Odluke o izmjenama Odluke o usvajanju Plana nabavki Univerziteta u Tuzli za 2022. godinu
10. Razmatranje prijedloga Odluke o izmjenama Odluke o usvajanju Plana nabavki NIR-a Univerziteta u Tuzli za 2022. godinu
11. Razmatranje Mišljenja Ministarstva obrazovanja i nauke Tuzlanskog kantona broj:D-10/1-04-032954 od 26.09.2022. godine
12. Razmatranje Završnog izvještaja Voditelja Erasmus projekta: Electrical Energy Markets and Engineering Education – ELEMEND 585681.EEP-1-2017.EL-EPPKA2-CBHE-JP
13. Razmatranje Zahtjeva [REDACTED] za zaštitu prava iz radnog odnosa podnesenog po punomoćniku, Advokatu Amiru Moranjkicu
14. Utvrđivanje Prijedloga Odluke o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine
15. Razmatranje Akta Ministarstva obrazovanja i nauke TK broj:10/1-34-026993/22 od 14.10.2022. godine
16. Razmatranje Izvještaja Komisije za djelimični popis stalnih sredstava i sitnog inventarau Studentskom centru
17. Razmatranje Zahtjeva Studentskog centra za prijem jednog zaposlenika na neodređeno

- radno vrijeme na radno mjesto „Upravnik ishrane” u Studentskom centru
18. Razmatranje Informacije Dekana Fakulteta za tjelesni odgoj i sport od 21.09.2022. godine
  19. Razmatranje Zahtjeva Studentskog parlamenta Univerziteta u Tuzli broj: 1-20/09/22 od 20.09.2022. godine
  20. Razmatranje Prijedloga Dekana FTOS-a od 14.10.2022. godine upućen Upravnom odboru – Komisija za utvrđivanje Prijedloga po Zaključku Upravnog odbora
  21. Razmatranje Informacije [REDACTED] o mogućem oštećenju budžeta TK-a i mogućoj ugroženosti radno-pravnog statusa
  22. Zahtjeva Rektorice Univerziteta za dostavljanje odluka i zaključaka Upravnog odbora broj:01-5975-1/2
  23. Razmatranje akata dostavljenih od strane Rektorice Univerziteta pod brojem:01-5959-1/22 od 24.10.2022. godine, a po Zaključku Upravnog odbora broj:04-5645-1-3/22 od 13.10.2022. godine.

### **Rad na sjednici:**

#### **TAČKA 1.**

##### **Usvajanje zapisnika sa 14. redovne sjednice Upravnog odbora**

Bez primjedbi, većinom glasova od ukupnog broja članova, zapisnik sa 14. redovne sjednice Upravnog odbora Univerziteta u Tuzli je usvojen.

#### **TAČKA 2.**

##### **Utvrđivanje prijedloga Pravilnika o izmjeni i dopuni Pravilnika o unutrašnjoj organizaciji i sistematizaciji radnih mjesta (Drugi prečišćeni tekst)**

Izvjestilac po ovoj tački dnevnog reda je bila Šejla Fazlić, dipl. pravnik, Šef službe za pravne, kadrovske i opšte poslove.

Upoznala je prisutne članove Upravnog odbora za prijedlogom Pravilnika i obrazloženjem svake odredbe pojedinačno, čija se izmjena i dopuna predlaže. Konstatovala je da je Ministarstvo obrazovanja i nauke dalo pozitivno mišljenje na prijedlog Pravilnika. Bez posebne diskusije, Upravni odbor je većinom glasova od ukupnog broja članova utvrdio prijedlog

### **P R A V I L N I K A O IZMJENI I DOPUNI PRAVILNIKA O UNUTRAŠNJOJ ORGANIZACIJI I SISTEMATIZACIJI RADNIH MJESTA -Drugi Prečišćeni tekst**

#### **Član 1.**

U Pravilniku o unutrašnjoj organizaciji i sistematizaciji radnih mjesta – Drugi Prečišćeni tekst (broj: 04-8813-2/12 od 30.10.2012. godine, broj: 04-8658-9b/13 od 26.11.2013. godine, broj: 04-145-5/15 od 22.01.2015. godine, broj: 04-7066-3/16 od 05.10.2016. godine i broj: 04-2352-1-6/22 od 27.04.2022.godine), u članu 26. poglavlje II "SEKRETARIJAT UNIVERZITETA", u opisu poslova radnog mjesta pod rednim brojem: 7. "VIŠI STRUČNI SARADNIK ZA RADNE ODNOSI" iza alineje 6. dodaje se nova alineja 7. koja glasi:

„- dostavlja podatke (informaciju) o početku i prestanku obavljanja javne funkcije u skladu sa Zakonom o prijavljivanju, porijeklu i kontroli imovine izabranih dužnosnika, nosilaca izvršnih funkcija i savjetnika u Tuzlanskom kantonu ("Službene novine TK", br. 22/21)".

Dosadašnja alineja 7. postaje alineja 8.

#### **Član 2.**

U istom članu poglavlje V9. "UNIVERZITETSKA BIBLIOTEKA", u uslovima radnog mjesta pod rednim brojem 2. "BIBLIOTEKAR" riječi: "i posjedovanje licence za upotrebu programske opreme COBISS" se brišu.

#### **Član 3.**

Ovaj Pravilnik stupa na snagu danom donošenja.

Predsjednik je konstatovao da će se prijedlog Pravilnika sa obrazloženjem uputiti Vladi Tuzlanskog kantona radi davanja prethodne saglasnosti.

### **TAČKA 3.**

#### **Razmatranje Pravilnika o popisu sredstava i izvora sredstava**

Uvodne napomene o Prijedlogu Pravilnika je dao Direktor za ekonomske poslove Husein Matović, dipl.ecc. Obrazloženje izmjena i dopuna u odnosu na istoimeni Pravilnik koji je u primjeni, dala je Predsjednica Komisije za pripremanje prijedloga Pravilnika, Alma Sarajlić, dipl.ecc. Nakon diskusije, konstatovano je da prijedlog potrebno urediti nomotehnički, pa je Upravni odbor većinom glasova od ukupnog broja članova donio

### **ZAKLJUČAK**

Zadužuje se Komisija za pripremanje Prijedloga Pravilnika o popisu sredstava i izvora sredstava na Univerzitetu u Tuzli da izvrši nomotehničko uređivanje Pravilnika u roku od 7 dana od dana prijema ovog Zaključka i uređeni Prijedlog Pravilnika, uz popratni akt Direktora za ekonomske poslove, dostavi Upravnom odboru na razmatranje.

Konstatovano je da će se Prijedlog Pravilnika nakon uređenja u skladu sa Zaključkom, dostaviti na davanje Mišljenja Ministarstvu obrazovanja i nauke TK ispred pet članova Upravnog odbora iz reda Osnivača.

### **TAČKA 4.**

#### **Razmatranje Prijedloga Odluke o izmjeni Liste kategorija registraturne grade sa rokovima čuvanja Univerziteta u Tuzli**

Izvjestilac po ovoj tački je bila Šef službe za pravne, kadrovske i opšte poslove Šejla Fazlić, dipl. pravnik. Obrazložila je pravni osnov i razloge za donošenje Odluke. Predložila je izmjenu u prijedlogu na rednom broju 393 tabelarnog pregleda, da se rok čuvanja umjesto 5 propiše na 7 godina.

Upravni odbor je usvojio prijedlog za korekciju, te je Predsjednik Upravnog odbora konstatovao da će u ime pet članova Upravnog Odbora, u skladu sa Pravilnikom o radu Upravnog odbora, Prijedlog dostaviti na Mišljenje Ministarstvu obrazovanja i nauke TK. Nakon eventualno pozitivnog Mišljenja Ministarstva, prijedlog Odluke će se dostaviti Arhivu Tuzlanskog kantona na davanje Saglasnosti.

### **TAČKA 5.**

#### **Razmatranje Prijedloga Pravilnika o kancelarijskom poslovanju**

Izvjestilac po ovoj tački dnevnog reda je bila Šef službe za pravne, kadrovske i opšte poslove Šejla Fazlić, dipl. pravnik. Obrazložila je pravni osnov i razloge za donošenje Pravilnika. Bez posebne diskusije, Predsjednik Upravnog odbora konstatovao je da će u ime pet članova Upravnog Odbora, u skladu sa Pravilnikom o radu Upravnog odbora, Prijedlog Pravilnika dostaviti na Mišljenje Ministarstvu obrazovanja i nauke TK.

### **TAČKA 6**

#### **Razmatranje Zahtjeva Studentskog parlamenta Univerziteta u Tuzli za izmjene i dopune Pravilnika o radu Fonda za nagrađivanje studenata na Univerzitetu u Tuzli**

Izvjestilac po ovoj tački je bio Direktor za ekonomske poslove Husein Matović, dipl. ecc. Istakao je da se zahtjevu studenata trenitno ne može udovoljiti.

Šef finansija Fikreta Jahić je obrazložila da su stavljene van snage odluke kojima se regulisalo punjenje Fonda za nagrađivanje studenata. U toku diskusije istaknuto je da je potrebno iznaći rješenje kako bi se obezbijedilo finansiranje Fonda.

Nakon diskusije Upravni odbor, većinom glasova od ukupnog broja članova donio je

### **ZAKLJUČAK**

#### **I**

Molba Studentskog parlamenta Univerziteta u Tuzli za izmjenu i dopunu Pravilnika o radu Fonda za nagrađivanje studenta na Univerzitetu u Tuzli broj: 1-30/09/22 od 30.09.2022. godine, dostavlja se Rektorici Univerzita kao ovlaštenom obrađivaču, radi obrade i utvrđivanja odgovarajućeg Prijedloga Upravnom odboru u skladu sa diskusijom na današnjoj sjednici.

#### **II**

Akt iz tačke I ovog zaključka dostaviti će se Upravnom odboru na razmatranje.

## **TAČKA 7**

### **Razmatranje Odgovora Rektorice po Zaključku Upravnog odbora broj:04-5268-1-2.1/22 od 30.09.2022. godine**

Prorektor za nastavu i studentska pitanja, prof. dr. sci. Jasmin Suljagić, izvijestio je prisutne članove Upravnog odbora da je Ured za nastavu i studentska pitanja dostavio pregled broja studenata po studijskim programima na kojima postoji potreba za izdavanjem obrasca „Nastavak indeksa“, a zbog većeg broja predmeta od broja rubrika za upis ocjena položenih nastavnih predmeta.

Naglasio je da potrebu za dodatnim obrascima indeksa iskazuje ukupno 841 student te da je Direktor za ekonomske poslove dostavio mišljenje Službe za ekonomske poslove u vezi sa Prijedlogom Rektorice Univerziteta.

Mišljenje Službe za ekonomske poslove je obrazložila Dževdeta Zahirović, šef računovodstva. Nakon diskusije, upravni odbor, većinom glasova od ukupnog broja članova donio je

## **ZAKLJUČAK**

Prijedlog Odluke o dopuni Odluke o utvrđivanju maloprodajnih cijena obrazaca za upis studenata i izdavanje podataka iz službene evidencije Univerziteta u Tuzli broj:01-4602-1/22 od 05.09.2022. godine, vraća se Rektorici Univerziteta na ponovno razmatranje uvažavajući sve navode iz diskusije na današnjoj sjednici, u skladu sa svim navodima iz Informacije Ureda za nastavu i studentska pitanja od 13.10.2022.godine i Mišljenja službe za ekonomske poslove od 10.10.2022. godine, a sve radi utvrđivanja novog prijedloga.

## **TAČKA 8**

### **Razmatranje prijedloga Odluke o usaglašavanju popisa osnovnih sredstava Univerziteta u Tazli za 2021. godinu**

Izvjestilac po ovoj tački dnevnog reda je bio Direktor za ekonomske poslove Husein Matović, dipl. ecc.. Obrazložio je svoj prijedlog odluke koji je sastavio u skladu sa Izvještajem o popisu sredstava u kancelariji broj 13. na Fakultetu elektrotehnike.

U toku diskusije zaključeno je da je u tački II prijedloga iza riječi „za manjak odgovoran radnik“, dodaju riječi: „koji je zadužio sredstvo“. Takođe, zaključeno je da se u tački II u stavu 2. doda tekst: „Komisija iz stava 1. ove tačke će izvršiti procjenu viška osnovnog sredstva HP Proliant DL360 G na Fakultetu elektrotehnike, te Izvještaj o procjeni dostaviti Upravnom odboru na razmatranje“.

Nakon diskusije Upravni odbor je većinom glasova od ukupnog broja članova, donio

## **ODLUKU**

### **o usaglašavanju popisa osnovnih sredstava Univerziteta u Tazli za 2021. godinu**

#### **I**

Vrši se isknjižavanje osnovnih sredstava Univerziteta u Tuzli evidentiranih po inventurnim brojevima: ETF2195001, ETF02186001, ETF02197001.

#### **II**

Komisija imenovana Rješenjem broj: 01-848-1/22 od 11.02.2022. godine je obavezna utvrditi uzroke manjka osnovnog sredstva inventurnog broja ETF00849001 i ukoliko je za manjak odgovoran radnik koji je zadužio sredstvo, od njega uzeti izjavu i predložiti eventualne mjere koje treba poduzeti protiv njega, a sve u skladu sa Pravilnikom o popisu sredstava i izvora sredstava na Univerzitetu u Tuzli.

Komisija iz stava 1. ove tačke će izvršiti procjenu viška osnovnog sredstva HP Proliant DL360 G na Fakultetu elektrotehnike, te Izvještaj o procjeni dostaviti Upravnom odboru na razmatranje.

#### **III**

U evidenciji stalnih sredstava ispred naziva osnovnih sredstava uknjiženih pod inventurnim brojevima: REK01646001 i REK01646002, dodaju se riječi "Disk za".

## **TAČKA 9**

### **Razmatranje prijedloga Odluke o izmjenama Odluke o usvajanju Plana nabavki Univerziteta u Tuzli za 2022. godinu**

Uvodne napomene je dao prof. dr. sci. Damir Zenunović, voditelj Operativnog tima za razvoj Kampusu Univerziteta. Obrazložio je da se Prijedlog Rektorice odnosi na određene aktivnosti u Kampusu, konkretno

radi realizacije donacije Vlade TK u iznosu od 200.000,00 KM na ime projektne dokumentacije. Naglasio je da je za projektovanje građevina Edukacijsko-rehabilitacijskog fakulteta, Ekonomskog fakulteta, Filozofskog fakulteta, Pravnog fakulteta, Farmaceutskog fakulteta i Akademije dramskih umjetnosti, procijenjena vrijednost u iznosu od 425.320,00 KM. Razlika od iznosa doniranih sredstava do punog iznosa je predložena određenim preraspodjelama unutar planiranih stavki vlastitih prihoda te da su odobreni iznosi i predložene promjene u Planu bez uračunatog PDV-a.

Upravni odbor je utvrdio da je opravdano da se finansijska sredstva odobrena Odlukom Vlade Tuzlanskog kantona, nakon odbitka PDV-a, u iznosu od 170.940,00 KM dodaju u Odluku o usvajanju Plana nabavki Univerziteta u Tuzli za 2022. godinu.

Takođe, u dijelu Prijedloga koji se odnosi na ekonomski kod: 8216- radovi na rekonstrukciji objekata Univerziteta/Kampusu i dijela vanjskog uređenja, 8216-Projektovanje građevina prve faze razvoja Kampusu (idejni projekat, geomehanički elaborat, glavni projekat) i 6216-Zamjena krovnog pokrivača na objektima KN-6, KN-7 i KN-7, čije finansiranje se predlaže iz vlastitih prihoda Univerziteta u Tuzli, Upravni odbor je zaključio da se za isti nisu stvorile pretpostavke za njegovu realizaciju jer Gradsko vijeće Tuzla nije usvojilo Regulatorni plan Kampusu Univerziteta u Tuzli, što je uslov za pokretanje odgovarajućeg tenderskog postupka i utroška planiranih sredstava, te da zbog toga usmjeravanje sredstava bez jasnih pretpostavki za realizaciju istih nije osnovano.

Nakon diskusije Upravni odbor je većinom glasova od ukupnog broja članova donio

## ODLUKU

o izmjenama Odluke o usvajanju Plana nabavki Univerziteta u Tuzli za 2022. godinu

### I

Djelimično se usvaja Prijedlog Rektorice Univerziteta u Tuzli broj: 01-5313-2/22 od 19.10. 2022. godine za izmjene Odluke o usvajanju Plana nabavki Univerziteta u Tuzli za 2022. godinu, pa se vrše izmjene Odluke o usvajanju Plana nabavki Univerziteta u Tuzli za 2022. godinu broj: 04-954-1-5/22 od 23.02.2022. godine, broj: 04-1833-1-4/22 od 06.04.2022. godine, broj: 04-2352-1-10/22 od 27.04.2022. godine, broj: 04-2730-1-5/22 od 27.05.2022. godine, broj: 04-3305-1-2/22 od 15.06.2022. godine, broj: 04-3363-1-2.1/22 od 23.06.2022. godine, broj: 04-3646-1-1/22 od 01.07.2022. godine i broj: 04-4799-1-1/22 od 13.09.2022. godine, pa se predmetna Odluka mijenja kako slijedi: **dodaje se ekonomski kod i nabavka pod rednim brojevima: 94.2 i 94.3; i dodaje se nabavka pod rednim brojem 28.2 i glase:**

R. br	Fakultet/org.jedinica	Ekon kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JRJK	Napomena
1.	2.	3.	4.	5.	6.	7.	8.	9.	10.	11.
94.2	UNIV	8212	Nabavka građevina	170.940,00	0,00	0,00	170.940,00			
94.3	UNIV	8212	Projektovanje građevina prve faze razvoja Kampusu (idejni projekat, geomehanički elaborat, glavni projekat)	170.940,00			170.940,00	Otvoreni postupak	712000000-0	

28. 2	SC	6134	Nabavka posteljine za Studentski centar		6.80 0,00		6.800,00	Konkurentski zahtjev za dostavu ponuda	39512000-4	
----------	----	------	---	--	--------------	--	----------	--	------------	--

**Mijenja se iznos** kod nabavke pod rednim brojem **28.1** i glasi:

R. br	Fakultet/org.je dinica	Ekon kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JRJN	Napomena
1.	2	3.	4	5.	6.	7.	8.	9.	10.	11.
28. 1	SC	6134	Nabavka madraca za studentske domove Studentskog centra		24.400,0 0		24.400,0 0	Konkurentski zahtjev za dostavu ponuda	39143112-4	

## II

U koloni 5 – Finansiranje iz budžeta i koloni 8 - Ukupno mijenjaju se ukupni iznosi na ekonomskom kodu 8212 i iznose 170.940,00 (kolona 5) i 170.940,00 KM bez PDV (kolona 8);  
U koloni 5, koloni 6 i koloni 8 mijenjaju se ukupni iznosi Plana nabavki za 2022. godinu i iznose: 582.180,00 (kolona 5), 2.997.745,00 bez PDV (kolona 6) i 4.190.650,40 KM bez PDV (kolona 8).

## III

U dijelu prijedloga Odluke Rektorice Univerziteta koji se odnosi na izmjene Odluke o usvajanju Plana nabavki Univerziteta u Tuzli za 2022. godinu na ekonomskom kodu: 8216-Radovi na rekonstrukciji objekata Univerziteta/Kampusu i dijela vanjskog uređenja, 8216-Projektovanje građevina prve faze razvoja Kampusu (idejni projekat, geomehanički elaborat, glavni projekat) i 6216 – Zamjena krovnog pokrivača na objektima KN-6, KN-7 i KN-7, odbija se kao neosnovan.

## IV

Ova odluka stupa na snagu danom donošenja

### **TAČKA 10**

**Razmatranje prijedloga Odluke o izmjenama Odluke o usvajanju Plana nabavki NIR-a Univerziteta u Tuzli za 2022. godinu**

Na prijedlog Rektorice Univerziteta koji je obrazložio Direktor za ekonomske poslove, Upravni odbor je većinom glasova od ukupnog broja članova donio

## **ODLUKU**

**o izmjenama Odluke o usvajanju Plana nabavki NIR-ova fakulteta Univerziteta u Tuzli za 2022. godinu**

## I

U tački I Odluke o usvajanju Plana nabavki NIR-ova fakulteta Univerziteta u Tuzli za 2022. godinu broj: 04-954-1-6/22 od 23.02.2022. godine, broj: 04-2352-1-10.1/22 od 27.04.2022. i broj: 04-2730-1-5.1/22 od

27.05.2022godine u tabeli za Tehnološki fakultet mijenja se iznos kod nabavke pod rednim brojem 20. u koloni 6 i glasi:

R. br	Fakultet/org.je dinica	Ekon kod	Predmet javne nabavke	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JRJN	Napomena
1.	2.	3.	4.	5.	6.	7.	8.	9.	10.
20	TEH	6134	Nabavka hemikalija i laboratorijskog pribora	950,00	4.500,00	5.450,00	Otvoreni postupak	243000000 -7 384370000 -7	Vlastiti NIR, Projekat

Dodaje se nabavka pod rednim brojem 37.1 i glasi:

R. Br.	Fakultet/org.je dinica	Ekon kod	Predmet javne nabavke	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JRJN	Napomena
1.	2.	3.	4.	5.	6.	7.	8.	9.	10.
37.1	TEH	6139	Usluge fizičko-hemijskih mikrobioloških analiza		4.100,00	4.100,00	Direktni sporazum	98390000-3	Vlastiti NIR/projekti

## II

U koloni 6 – Primljeni tekući transferi i koloni 7- Ukupno mijenjaju se ukupni iznosi na ekonomskog kodu 6134 u tabeli za Tehnološki fakultet i iznose: 4.500,00 bez PDV (kolona 6) i 7.909,00 KM bez PDV (kolona 7).

U koloni 6 – Primljeni tekući transferi i koloni 7- Ukupno mijenjaju se ukupni iznosi na ekonomskom kodu 6139 u tabeli za Tehnološki fakultet i iznose: 4.100,00 bez PDV (kolona 6) i 12.441,00 KM bez PDV (kolona 7).

U koloni 6 – Primljeni tekući transferi i koloni 7- Ukupno mijenjaju se ukupni iznosi tabele za Tehnološki fakultet i iznose: 8.600,00 bez PDV (kolona 6) i 44.970,00 KM bez PDV (kolona 7).

U koloni 6 – Primljeni tekući transferi i koloni 7- Ukupno mijenjaju se ukupni iznosi Plana nabavki NIR-ova fakulteta Univerziteta u Tuzli za 2022. godinu i iznose: 213.380,00 bez PDV (kolona 6) i 440.930,00 KM bez PDV (kolona 7).

## III

U ostalom dijelu Odluka o usvajanju Plana nabavki NIR-ova fakulteta Univerziteta u Tuzli za 2022. godinu ostaje nepromijenjena.

## IV

Ova stupa na snagu danom donošenja.

Na prijedlog Predsjednika, Upravni odbor je jednoglasno usvojio promjenu redosljeda razmatranja tačaka 11 i 12. dnevnog reda, i odredio da se kao tačka 11. razmotri predložena tačka 12. a nakon toga da se razmotri predložena tačka 11. i tako redom.

### **TAČKA 11**

**Razmatranje Završnog izvještaja Voditelja Erasmus projekta: Electrical Energy Markets and Engineering Education – ELEMEND 585681.EEP-1-2017.EL-EPPKA2-CBHE-JP**

Izvještaj je podnijela [REDACTED] Voditelj Erasmus projekta.

U toku diskusije članovi Upravnog Odbora su pozitivno ocijenili rezultate projekta, te nakon diskusije većinom glasova od ukupnog broja članova, Upravni odbor je donio

## ZAKLJUČAK

Usvaja se Izvještaj o realizaciji projektnih aktivnosti na Erasmus projektu: Electrical Energy Markets and Engineering Education – ELEMEND 585681.EEP-1-2017.EL-EPPKA2-CBHE-JP, voditelja [REDAKTIRANO] broj: 04-5615-1/22 od 10.10.2022. godine, podnesen Upravnom odboru Univerziteta.

### **TAČKA 12**

#### **Razmatranje Mišljenja Ministarstva obrazovanja i nauke Tuzlanskog kantona broj:D-10/1-04-032954 od 26.09.2022. godine**

O navodima iz Mišljenja Ministarstva obrazovanja i nauke, a koji se odnosi na Prijedlog Odluke o utvrđivanju cijene usluga smještaja i ishrane studenata u studentskim domovima Studentskog centra Univerziteta u Tuzli koji prijedlog je Upravni odbor dostavio Ministarstvu na davanje Mišljenja, Upravni odbor je upoznao predsjednik prof. dr. sci. Semir Ahmetbegović.

Dodatna obrazloženja su dali izvjestioci Direktor za ekonomske poslove, Husein Matović, dipl. ecc. i šef finansija Fikreta Jahić, dipl. ecc., te direktor Studentskog centra Jusuf Džihanović, dip. ecc.

U toku diskuzije istaknuto je mišljenje da bi bilo nužno ostvariti dodatne kontakte sa Vladom kako bi se u 2023. godini u Budžetu planirala dodatna sredstva koja su potrebna za povećanje cijena i mogućnosti subvencioniranja u troškovima smještaja i ishrane studenta.

U toku diskusije Predsjednik je saoptio da se u toku dana zakazane sjednice ne mogu raspraviti sva pitanja i donijeti odluke po tačkama dnevnog reda, te je, u skladu sa članom 22. Poslovnika o radu Upravnog odbora, prekinuo 15. redovnu sjednicu i prisutne članove Upravnog odbora obavijestio da će se nastavak prekinute sjednice održati u srijedu 02.11.2022. godine u Sali za sjednice Rektorata Univerziteta sa početkom u 15,00 sati.

O terminu nastavka sjednice, svi članovi Upravnog odbora su obaviješteni i elektronskim putem, kao i lica koja su pozvana kao izvjestioci po pojedinim materijalima koji do prekida sjednice nisu bili raspravljani.

Nastavku prekinute 15 redovne sjednice 02.11.2022. godine u 15,00 sati prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, dr. sci. Kenan Mandžić, red. prof, dr. sci. Anita Petrović, vanr. prof., i dr. sci. Franc Andrejaš vanr. prof.

Nastavku sjednice nije prisustvovala, Adela Šaldić, član.

Osim članova Upravnog odbora nastavku sjednice su prisustvovali: Rektorica Univerziteta, dr. sc. Nermina Hadžigrahić, red prof. i Generalni sekretar Jasmina Berbić, dipl. pravnik, te u svojstvu izvjestilaca po pojedinim tačkama dnevnog reda: Šef službe za pravne, kadrovske i opšte poslove Šejla Fazlić, dipl. pravnik, Viši stručni saradnik za radne odnose, Haris Delić, dipl. pravnik, Prorektor za nastavu i studentska pitanja dr. sci. Jasmin Suljagić, vanr. prof.

Nastavku sjednici je prisustvovao i Viši stručni saradnik Ahmo Muhić, dipl. pravnik.

Nakon što je konstatovao da su ispunjeni uslovi za rad i odlučivanje na sjednici u skladu sa Poslovníkom o radu Upravnog odbora, Predsjednik Upravnog odbora je otvorio nastavak prekinute 15 redovne sjednice.

Konstatovao je da je Upravni odbor prije prekida sjednice raspravio 12 tačku dnevnog reda ali da nije donio odluku.

Kako nije bilo dodatne diskusije po toj tački dnevnog reda, Upravni odbor je po istoj, većinom glasova od ukupnog broja članova donio

## ZAKLJUČAK

Prima se k znanju Mišljenje Ministarstva obrazovanja i nauke Tuzlanskog kantona broj: D-10/1-04-032954-21 od 26.09.2022. godine.

### **TAČKA 13**

#### **Razmatranje Zahtjeva [REDAKTIRANO] za zaštitu prava iz radnog odnosa podnesenog po punomoćniku, Advokatu Amiru Moranjkiću**

Izvjestilac po ovoj tački dnevnog reda je bio, Viši stručni saradnik za radne odnose Haris Delić, dipl. pravnik. Informisao je o sadržaju Zahtjeva Dekana Filozofskog fakulteta za pokretanje postupka te o razlozima zbog kojih je radniku, [REDAKTIRANO] izrečena mjera pismenog upozorenja, Dodatna

obrazloženja je dala i Šef službe za pravne, kadrovske i opšte poslove Šejla Fazlić, dipl. pravnik. Nakon diskusije većinom glasova od ukupnog broja članova, Upravni odbor je donio

## ZAKLJUČAK

Zadužuju se izvjestioci u postupku razmatranja Zahtjeva [REDACTED] za zaštitu prava iz radnog odnosa broj:04-5664-1 od 12.10.2022. godine, da u roku od 3 dana od dana prijema ovog Zaključka, dostave Upravnom odboru Univerziteta u Tuzli pismeno očitovanje po svim navodima iz Zahtjeva, te razlozima koji su bili bitni da se donese predmetno Pismeno upozorenje radniku.

### TAČKA 14

#### **Utvrđivanje Prijedloga Odluke o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine**

Uvodne napomene je dao Predsjednik Upravnog odbora. U diskusiji, Generalni sekretar Jasmina Berbić, dipl. pravnik je naglasila da je u pripremi prijedloga ove Odluke učestvovao i Studentski parlament na posebnom sastanku. Dodatna obrazloženja je dao Prorektor za nastavu i studentska pitanja, prof. dr. sci. Jasmin Suljagić na pitanja tokom diskusije o tome da iz prijedloga Odluke nisu izuzeti studenti iz obnove.

Rektorica je dala dodatne informacije u vezi tehničke podrške za realizaciju ove odluke.

Nakon diskusije, većinom glasova od ukupnog broja članova, Upravni odbor je utvrdio prijedlog

## ODLUKU

### **o izmjeni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine**

#### **Član 1.**

U članu 8. Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine, broj: 04-3305-1-1/22 od 15.06.2022. godine i broj: 04-4799-1-2/22 od 13.09.2022. godine, stav (2) mijenja se i glasi:

“(2) Student prvog i integriranog prvog i drugog ciklusa studija, osim studenta apsoluta i studenta imatrikulanta, plaća naknadu za elektronsku prijavu ispita u iznosu od 7,50 KM za akademsku godinu, prilikom upisa u narednu ili obnovu studijske godine”.

#### **Član 2.**

Sredstva koja Univerzitet ostvari primjenom ove Odluke uplaćivat će se na depozitni račun javnih prihoda Budžeta Kantona.

#### **Član 3.**

Ova Odluka će se primjenjivati počev od akademske 2022/23. godine.

Predsjednik je konstatovao da će se prijedlog Odluke dostaviti Vladi Tuzlanskog kantona radi davanja prethodne saglasnosti.

### TAČKA 15

#### **Razmatranje Akta Ministarstva obrazovanja i nauke TK broj:10/1-34-026993/22 od 14.10.2022. godine**

Uvodne napomene je dao Predsjednik Upravnog odbora, prof. dr. sc. Semir Ahmetbegović.

Upoznao je prisutne članove sa Aktom Ministarstva obrazovanja i nauke sa priložima, a u vezi oslobađanja od plaćanja školarine studenta iz [REDACTED], studenta šeste godine integriranog prvog i drugog ciklusa studija Medicinskog fakulteta. Nakon diskusije Upravni odbor je većinom glasova od ukupnog broja članova utvrdio prijedlog

## ODLUKE

## I

████████████████████, student šeste godine prvog i integriranog prvog i drugog ciklusa studija Medicinskog fakulteta Univerziteta u Tuzli, oslobađa se plaćanja troškova studija (školarina i participacija) u akademskoj 2022/23. godini.

## II

Studentski centar Univerziteta u Tuzli, studentu iz tačke I ove Odluke omogućit će besplatan smještaj i ishranu u Studentskom domu Univerziteta u Tuzli u akademskoj 2022/23. godini.

## III

Ova Odluka će se primjenjivati počev od akademske 2022/23. godine.

## IV

Prijedlog Odluke dostavlja se Vladi Tuzlanskog kantona radi davanja prethodne saglasnosti.

### **TAČKA 16**

#### **Razmatranje Izvještaja Komisije za djelimični popis stalnih sredstava i sitnog inventara u Studentskom centru**

U odsustvu izvjestioca, Rektorica Univerziteta je informisala članove Upravnog odbora sa sadržajem Izvještaja Komisije.

U toku diskusije istaknuto je da nije pripremljen prijedlog odluke sa pravnim osnovom koji bi Upravni odbor razmotrio i eventualno donio odgovarajuću odluku, pa je većinom glasova od ukupnog broja članova, Upravni odbor donio

## **ZAKLJUČAK**

### I

Zadužuje se Direktor za ekonomske posove Univerziteta da na osnovu Izvještaja Komisije za djelimični popis stalnih sredstava i sitnog inventara broj: 01-4661-1/22-1 od 10.10.2022. godine, pripremi i dostavi Upravnom odboru prijedlog Odluke koji bi se razmatrao na nekoj od narednih sjednica.

### II

Prijedlog Odluke iz tačke I ovog Zaključka dostaviti će se Upravnom odboru u roku od 7 dana od dana prijema Zaključka.

U okviru ove tačke dnevnog reda, na prijedlog člana Upravnog odbora, prof. dr. sc. Kenana Mandžića, Upravni odbor je jednoglasno zaključio i ovlastio Predsjednika Upravnog odbora da se na dnevni red sjednice Upravnog odbora mogu staviti samo oni materijali koji imaju jasan prijedlog odluke ili zaključka sa potpunim obrazloženjem i pravnim osnovom za donošenje. Izuzetno, Predsjednik Upravnog odbora, zbog hitnosti postupanja može staviti na dnevni red i materijal koji ne sadrži prijedlog dokumenta, u kojem slučaju bi se isti formulisao neposredno na sjednici.

### **TAČKA 17**

#### **Razmatranje Zahtjeva Studentskog centra za prijem jednog zaposlenika na neodređeno radno vrijeme na radno mjesto „Upravnik ishrane” u Studentskom centru**

Nakon što je Predsjednik Upravnog odbora informisao prisutne članove Upravnog odbora sa Zahtjevom Studentskog centra i nakon što su dodatna obrazloženja dale, Rektorica Univerziteta i Generalni sekretar Univerziteta, većinom glasova od ukupnog broja članova, Upravni odbor je donio

## ZAKLJUČAK

Prima se k znanju Zahtjev Studentskog centra za prijem jednog zaposlenika na neodređeno radno vrijeme na radno mjesto "Upravnik ishrane", broj: 04-5276-1 od 28.09.2022. godine.

### **TAČKA 18**

#### **Razmatranje Informacije Dekana Fakulteta za tjelesni odgoj i sport od 21.09.2022.godine**

Nakon što se upoznao sa Informacijom Dekana, većinom glasova od ukupnog broja članova, Upravni odbor je donio

## ZAKLJUČAK

Prima se k znanju Informacija Dekana Fakulteta za tjelesni odgoj i sport Univerziteta u Tuzli o upućenim prijedlozima i inicijativama broj:04-5059-1 od 22.09.2022. godine.

### **TAČKA 19**

#### **Razmatranje Zahtjeva Studentskog parlamenta Univerziteta u Tuzli broj: 1-20/09/22 od 20.09.2022. godine**

Izvjestilac je bila Generalni sekretar Jasmina Berbić, dipl. pravnik. Istakla je mišljenje da pravo na smještaj imaju samo redovni studenti. Podsjetila je da je Upravni odbor krajem oktobra 2021. godine odbio identičan Zahtjev Studentskog parlamenta. Smatra da nema pravnog osnova da se udovolji zahtjevu Studentskog parlamenta. Predložila je da se omogući smještaj bez ishrane kao kategorija „ostali smještaj“ koji bi se kao takav uredio Pravilnikom, a koji bi se prethodno dostavio Vladi TK na saglasnost.

Nakon diskusije u kojoj su učestvovali i Almir Brigić, student, Predsjednik studentskog Parlamenta Univerziteta i Emina Duranović, student, član Studentskog Parlamenta Univerziteta, većinom glasova od ukupnog broja članova, Upravni odbor je donio

## ZAKLJUČAK

Upravni odbor će uputiti Zahtjev Ministarstvu obrazovanja i nauke TK kojim će zatražiti mišljenje o tome, da li student imatrikulant ima status studenta na Univerzitetu u Tuzli u smislu Zakona o visokom obrazovanju TK.

U obrazloženju Zahtjeva Ministarstvu navesti će se sadržaj Zahtjeva Studentskog parlamenta Univerziteta u Tuzli broj: 1-20/09/22 od 20.09.2022.godine.

### **TAČKA 20**

#### **Razmatranje Prijedloga Dekana FTOS-a od 14.10.2022. godine upućen Upravnom odboru – Komisija za utvrđivanje Prijedloga po Zaključku Upravnog odbora**

Nakon što se upoznao sa Informacijom Dekana, većinom glasova od ukupnog broja članova, Upravni odbor je donio

## ZAKLJUČAK

Prijedlog Dekana Fakulteta za tjelesni odgoj i sport Univerziteta u Tuzli broj:04-5849-1 od 18.10.2022. godine, dostavlja se Komisiji za pripremanje prijedloga akta kojim bi se regulisala finansijska pomoć Univerzitetskom košarkaškom klubu "Student" iz Tuzle.

### **TAČKA 21**

#### **Razmatranje Informacije [REDAKCIJA] o mogućem oštećenju budžeta TK-a i mogućoj ugroženosti radno-pravnog statusa**

Izvjestilac po ovoj tački dnevnog reda je bio Prorektor za nastavu i studentska pitanja, prof. dr. sc. Jasmin Suljagić. Obrazložio je sve činjenice koje upućuju na osnovanost produženja radnog odnosa [REDAKCIJA]. Obrazložio je tabele opterećenja za užu naučnu oblast Mineralogija i petrologija za sve nastavnike zaposlenike Univerziteta u tekućoj ak. godini.

Dodatna obrazloženja je dala Rektorica Univerziteta. Nakon obavljene rasprave, većinom glasova od ukupnog broja članova, Upravni odbor je donio

## ZAKLJUČAK

Upravni odbor Univerziteta u Tuzli nije nadležan za postupanje po Informaciji [REDACTED]  
broj: 04-5475-1 od 04.10.2022. godine.

### **TAČKA 22**

#### **Zahtjeva Rektorice Univerziteta za dostavljanje odluka i zaključaka Upravnog odbora broj:01-5975-1/2**

Sekretar Upravnog odbora je informisao članove Upravnog odbora da je po uputi neposrednog rukovodioca, Šefa službe za pravne kadrovske i opšte poslove Šejle Fazlić, dostavio sve odluke i zaključke sa sjednica Upravnog odbora po svim sjednicama od kada je raspoređen na poslove Višeg stručnog saradnika, Šefu kabineta Rektora. Odluke i zaključke koji su nominovani u dostavi na Rektora, dostavljani su originalno Rektorici putem Pisarnice.

U diskusiji je naglašeno da Rektorica treba biti obaviještena o svim odlukama i zaključcima Upravnog odbora, te da se saradnja Upravnog odbora i Rektora mora nastaviti u zajedničkom interesu

Nakon što Rektorica Izjavi da povlači predmetni Zahtjev, Upravni odbor je konstatovao da se Zahtjev smatra povučenim.

### **TAČKA 23**

#### **Razmatranje akata dostavljenih od strane Rektorice Univerziteta pod brojem:01-5959-1/22 od 24.10.2022. godine, a po Zaključku Upravnog odbora broj:04-5645-1-3/22 od 13.10.2022. godine.**

Razmotren je popratni akt Rektorice sa svim priložima uz isti koji su neposredno prikazani video prezentacijom, nakon čega je, većinom glasova od ukupnog broja članova, Upravni odbor donio

## Z A K L J U Č A K

Prihvata se Popratni akt Rektorice Univerziteta u Tuzli broj: 01-5959-1/22 od 24.10.2022.godine, čiji će se sadržaj razmatrati na vanredno zakazanoj sjednici Upravnog odbora Univerziteta u Tuzli.

Za potrebe rada vanredne sjednice Upravnog odbora potrebno je dostaviti Odluke Upravnog odbora vezane za dostavljene akte i ostalu dokumentaciju vezanu za iste.

Sjednica je zaključena u 21 sat i 38 minuta.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-6039-1/22

Tuzla, 31.10. i 02.11. 2022.godine

PREDSJEDNIK  
UPRAVNOG ODBORA

dr. sci. Semir Ahmetbegović, vanr.prof.

